



საქართველოს კომუნიკაციების ეროვნული კომისია

გადაწყვეტილება

N გ-19-20/383
27/06/2019

383-შ-19-1-4-201906271425



სს „სილქნეტის“ მიერ წარმოდგენილი ინფორმაციის ნაწილობრივ კომერციულ საიდუმლოებად ცნობის შესახებ

საქართველოს კომუნიკაციების ეროვნული კომისია (შემდგომში “კომისია”) აღნიშნავს, რომ 2019 წლის 13 ივნისს კომისიას განცხადებით (კომისიაში რეგისტრაციის Nშ-19-6/2667) მიმართა სს „სილქნეტმა“ კომპანიის მიერ კომისიაში წარმოდგენილი ინფორმაციის, კერძოდ მხატვრული ფილმების საქართველოს ტერიტორიაზე მართლზომიერი ჩვენების უფლების დამადასტურებელი ხელშეკრულებების კომერციულ საიდუმლოებად ცნობის თაობაზე. სს „სილქნეტმა“ მოითხოვა წარმოდგენილი ხელშეკრულების კომერციულ საიდუმლოებად ცნობა სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვალის, გავრცელების ტერიტორიისა და ტექნოლოგიისა.

კომისია აღნიშნავს, რომ საქართველოს ზოგადი ადმინისტრაციული კოდექსის 27² მუხლის პირველი ნაწილის, ასევე „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-19 მუხლის მე-4 პუნქტის შესაბამისად, კომერციული საიდუმლოება ეს არის ინფორმაცია კომერციული ფასეულობის მქონე გეგმის, ფორმულის, პროცესის, საშუალების თაობაზე ან ნებისმიერი სხვა ინფორმაცია, რომელიც გამოიყენება საქონლის საწარმოებლად, მოსამზადებლად, გადასამუშავებლად ან მომსახურების გასაწევად, ან/და რომელიც წარმოადგენს სიახლეს ან ტექნიკური შემოქმედების მნიშვნელოვან შედეგს, აგრეთვე სხვა ინფორმაცია, რომლის გამჟღავნებამ შესაძლოა ზიანი მიაყენოს პირის კონკურენტუნარიანობას.

სს „სილქნეტის“ მიერ 2019 წლის 13 ივნისის განცხადებით (კომისიაში რეგისტრაციის Nშ-19-6/2667) მოთხოვნილია შემდეგი ინფორმაციის კომერციულ საიდუმლოებად ცნობა:

- ა) სს „სილქნეტსა“ და „AKELMONTO HOLDINGS LIMITED“-ს შორის 2018 წლის 01 ოქტომბერს გაფორმებული ხელშეკრულება, სრულად, გარდა ხელშეკრულების საგნის,



მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

ბ) სს „სილქნეტს“ და „DARO Film Distribution“-ს შორის 2017 წლის 16 აგვისტოს გაფორმებული ხელშეკრულება, სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

გ) სს „სილქნეტს“ და „Central Partnership Sales House LLC“-ს შორის 2017 წლის 23 ოქტომბერს გაფორმებული ხელშეკრულება, სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

აუდიო-ვიზუალური მედია მომსახურებების რეგულირების დეპარტამენტმა შეისწავლა წარმოდგენილი განცხადება, აგრეთვე წარმოდგენილი ხელშეკრულება და მიიჩნია, რომ სს „სილქნეტის“ მიერ კომისიაში წარმოდგენილი დოკუმენტაცია, შინაარსობრივად ნაწილობრივ შეიცავს კომერციული საიდუმლოების შემცველ ინფორმაციას, რადგან მის მიერ წარმოდგენილი დოკუმენტაცია შეიცავს პირობებს, რომელთა გამჟღავნებამ შეიძლება ზიანი მიაყენოს კომპანიის კონკურენტუნარიანობას. განმცხადებელმა თავად მოითხოვა ხელშეკრულების იმ პირობების ღიად დატოვება, რომლებზეც კომისია თვლის, რომ არ შეიძლება იყოს ცნობილი კომერციულ საიდუმლოებად, კერძოდ: მხარეები, ხელშეკრულების ვადები, ფილმების ჩამონათვალი, გავრცელების ტერიტორია და ტექნოლოგია.

ზემოაღნიშნულიდან გამომდინარე, კომისიას მიაჩნია, რომ სს „სილქნეტის“ 2019 წლის 13 ივნისის განცხადება (კომისიაში რეგისტრაციის №19-6/2667) უნდა დაკმაყოფილდეს კერძოდ, კომპანიის მიერ წარმოდგენილი დოკუმენტაცია მათ მიერ მოთხოვნილ ნაწილში ცნობილ უნდა იქნას კომერციულ საიდუმლოებად, ვინაიდან, სს „სილქნეტის“ მიერ კომისიაში წარმოდგენილი დოკუმენტაციის საჯაროდ დატოვებამ, შესაძლოა ზიანი მიაყენოს კომპანიის კონკურენტუნარიანობას.

კომისია დამატებით აღნიშნავს, რომ საქართველოს ზოგადი ადმინისტრაციული კოდექსის 31-ე მუხლის პირველი ნაწილის შესაბამისად, კანონით გათვალისწინებული შემთხვევების გარდა, პროფესიული და კომერციული ინფორმაცია გასაიდუმლოვდება უვადოდ. კომერციული საიდუმლოება ღიად უნდა გამოცხადდეს, თუ მას აღარ გააჩნია ის ღირებულება, რის გამოც ასეთად იქნა მიჩნეული, ხოლო ამავე მუხლის მე-2 ნაწილის შესაბამისად, გადაწყვეტილება საჯარო ინფორმაციის გასაიდუმლოების და მისი ვადის გაგრძელების შესახებ ადმინისტრაციულ ორგანოს შეაქვს შესაბამის რეესტრში.

ყოველივე ზემოაღნიშნულის გათვალისწინებით, საქართველოს ზოგადი ადმინისტრაციული კოდექსის 27² მუხლის, 31-ე მუხლის, „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-19 მუხლის მე-4 პუნქტის და 32-ე მუხლის პირველი პუნქტის „დ“ ქვეპუნქტის შესაბამისად, კომისიამ, კენჭისყრის შედეგად, ერთხმად

გადაწყვიტა:

1. დაკმაყოფილდეს სს „სილქნეტის“ 2019 წლის 13 ივნისის განცხადება (კომისიაში რეგისტრაციის №-19-6/2667):

ა) სს „სილქნეტს“ და „AKELMONTO HOLDINGS LIMITED“-ს შორის 2018 წლის 01 ოქტომბერს გაფორმებული ხელშეკრულება, სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

ბ) სს „სილქნეტს“ და „DARO Film Distribution“-ს შორის 2017 წლის 16 აგვისტოს გაფორმებული ხელშეკრულება, სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

გ) სს „სილქნეტს“ და „Central Partnership Sales House LLC“-ს შორის 2017 წლის 23 ოქტომბერს გაფორმებული ხელშეკრულება, სრულად, გარდა ხელშეკრულების საგნის, მხარეების, ხელშეკრულების ვადის, ფილმების ჩამონათვლის, გავრცელების ტერიტორიისა და ტექნოლოგიისა.

2. ინფორმაცია სს „სილქნეტის“ კომერციულ საიდუმლოებად ჩაითვალოს სს „სილქნეტის“ მიერ ინფორმაციის განსაიდუმლოების შესახებ კომისიისათვის მომართვამდე ან იქამდე, სანამ იგი არა დაკარგავს იმ ღირებულებას, რის გამოც ასეთად იქნა მიჩნეული;

3. დაევალოს კომისიის აპარატის ადმინისტრაციას (ო. ვოტ) აღნიშნული გადაწყვეტილების საქართველოს ზოგადი ადმინისტრაციული კოდექსის 31-ე მუხლის მე-2 ნაწილის შესაბამისად, სათანადო წესით შესაბამის რეესტრში შეტანა;

4. დაევალოს კომისიის აპარატის ადმინისტრაციას აღნიშნული გადაწყვეტილების სს „სილქნეტისთვის“ გაგზავნა (ნ.ჯავახიძე).

5. გადაწყვეტილება ძალაში შევიდეს მისი დამოწმებული ასლის სს „სილქნეტისთვის“ ჩაბარების დღიდან;

6. გადაწყვეტილება შეიძლება გასაჩივრდეს ქ.თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დავით აღმაშენებლის ხეივანი მე-12 კილომეტრი, N6) 1 თვის ვადაში;

7. კონტროლი აღნიშნული გადაწყვეტილების შესრულებაზე დაევალოს კომისიის აპარატის ადმინისტრაციას (ო. ვოტ).

კახი ბექაური

კომისიის თავმჯდომარე

მერაბ ქათამაძე

კომისიის წევრი

ელისო ასანიძე

კომისიის წევრი

გ. ბერიძე